



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrisani lokalni razvoj
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj: 03-45-553/25

Vogošća, 14.04.2025. godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine („Službene novine Federacije BiH“ br.49/06 i 51/09), čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), a u vezi sa članom 14. Zakona o mladima FBiH („Službene novine FBiH“, broj: 36/10) i tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24), Općinski načelnik objavljuje:

JAVNI POZIV za sufinansiranje troškova mobilnosti mladih sa područja općine Vogošća

I PREDMET POZIVA

Ovaj program planiran je u okviru Strategije razvoja Općine Vogošća i to:

- Strateški cilj 2.- Unaprijediti društveni život stanovništva stvaranjem uslova za društveno-ekonomski rast, dostupnost i visok kvalitet svih javnih servisa;
- Prioritet 2.3. – Doprinijeti osnaženju položaja mladih;

Mobilnost mladih odnosi se na fizičko kretanje mladih osoba s ciljem sudjelovanja u aktivnostima koje omogućavaju sticanje novih formalnih i neformalnih znanja, vještina i kompetencija. U cilju osnaživanja mladih osoba, povećanje njihovih kompetencija, kao i podrška aktivnoj participaciji u društvu u Budžetu Općine Vogošća planirana su sredstva u iznosu od 5.000,00 KM za sufinansiranje troškova mobilnosti mladih.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II USLOVI ZA UČEŠĆE NA JAVNOM POZIVU

Pravo na dodjelu sredstava iz ovog granta mogu ostvariti mladi uz ispunjavanje slijedećih uslova:

- a) Da su državljani Bosne i Hercegovine;
- b) Da imaju prebivalište na području općine Vogošća;
- c) Da su starosne dobi od 15 do 30 godina;
- d) Da aktivno učestvuju u edukativnim događajima, radionicama, seminarima, konferencijama, stručnim usavršavanjima, volontiranjima i slično.

Sredstva iz granta za mobilnost mladih neće se izdvajati za troškove učešća i putovanja na stranačke treninge, konferencije i kampanje, niti bilo koje druge aktivnosti u i van Bosne i Hercegovine, ako je organizuju domaće ili inostrane političke partije.

Podnosilac zahtjeva može aplicirati samo jednom u toku kalendarske godine.

III POTREBNA DOKUMENTACIJE

Uz zahtjev je potrebno priložiti slijedeće dokumente:

- a) Uvjerenje o državljanstvu;
- b) Potvrda o prebivalištu za podnosioca zahtjeva (pribavlja se službenim putem);
- c) Potvrda da podnosilac zahtjeva učestvuje u događaju za koji se prijavljuje;
- d) Dokaz da troškove učešća na događaju u cjelosti ne snosi organizator, drugi nivoi vlasti ili sponozori – potvrda, uvjerenje ili izjava podnosioca zahtjeva;
- e) Pregled troškova odlaska na događaj potpisan od strane podnosioca zahtjeva;
- f) Potvrda o otvorenom računu u banci.

IV IZNOS SREDSTVA

U skladu sa ovim Pravilnikom sredstva će se dodijeljivati za sufinansiranje troškova prijevoza, smještaja, kotizacije, vize i/ili za ishranu u vrijeme trajanja događaja.

Sredstva iz stava (1) ovog člana dodijeljivat će se u neto iznosu jednom u toku kalendarske godine, na sljedeći način:

- a) do 200,00 KM za aktivnosti unutar Bosne i Hercegovine;
- b) do 300,00 KM za aktivnosti u zemljama regiona (Crna Gora, Srbija, Kosovo, Albanija, Sjeverna Makedonija, Hrvatska i Slovenija);
- c) do 500,00 KM za aktivnosti u ostalim zemljama Europe;
- d) do 700,00 KM za aktivnosti u drugim zemljama, a koje nisu definisane u stavovima a) i c) ovog člana.

Ukoliko je iznos aktivnosti manji od gore navedenih iznosa, Općina će finansirati stvarne troškove aktivnosti.

V ROKOVI ZA PODNOŠENJE PRIJAVE NA JAVNI POZIV

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.

VI POSTUPAK DODJELE SREDSTAVA

Sredstva za sufinansiranje mobilnosti mladih dodjeljuju se putem ovog Javnog poziva i podnesenih zahtjeva po istom.

Zahtjevi se podnose na propisanom obrascu, a koji je sastavni dio Javnog poziva.

Služba zahtjeve rješava po vremenu prispjeća. Nakon obrade zahtjeva, Općinski načelnik će Zaključkom odobriti sredstva za mobilnost mladih. Sredstva će biti isplaćena na transakcijski račun podnosioca zahtjeva putem Službe za finansije.

Korisnici sredstava obavezni su dostaviti Službi finansijski i narativni izvještaj sa dokumentacijom o namjenskom utrošku sredstava u roku od trideset (30) dana nakon realizacije sredstava ili povratka sa događaja, a najkasnije do kraja tekuće godine za koju su dodjeljena sredstva.

Korisnik sredstava koji ne dostavi izvještaj u obavezi je izvršiti povrat nenamjenski utrošenih ili neiskorištenih sredstava Općini, u roku od sedam (7) dana od dana zaprimanja zahtjeva Općine za povrat istih.

Služba zadržava pravo da vrši monitoring pregleda troškova u toku postupka za ostvarivanje prava.

Korisnik sredstava se obavezuje da tokom događaja promoviše i ističe podršku lokalne zajednice.

VII MJESTO I NAČIN PODNOŠENJA ZAHTJEVA

Popunjena prijava sa potrebnom dokumentacijom podnosi se na protokolu Općine Vogošća svakim radnim danom, ili putem pošte na adresu: Općina Vogošća, Ul. Jošanička br. 80, Vogošća, sa naznakom za Javni poziv za sufinansiranje troškova mobilnosti mladih.

Sve dodatne informacije u vezi Javnog poziva mogu se dobiti na tel. 033-586-414.

OPĆINSKI NAČELNIK

Migdad Hasanović